

თსუ ეკონომიკისა და ბიზნესის ფაკულტეტის სტუდენტური კვლევების
და პროექტების ცენტრი „იდეა“



საქმიანობის მოკლე მიმოხილვა 2000 წლიდან 2017 წლამდე

ცენტრის სლოგანია:

„ფიქრი იდეისთვის, კვლევა პროექტისთვის, მართვა წარმატებისთვის“
„Think for an Idea, Research for a Project, Manage to Succeed“

ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტის სტუდენტური კვლევებისა და პროექტების ცენტრი „იდეა“ (შემდგომში - „ცენტრი“) შეიქმნა 2000 წლის 8 თებერვალს და წარმოადგენს ფაკულტეტის შემადგენლობაში შემავალ სამეცნიერო-კვლევით ერთეულს.

ცენტრის ოფისი მდებარეობს შემდეგ მისამართზე: საქართველო, თბილისი, 0186, უნივერსიტეტის ქუჩა, 2, თსუ მაღლივი (X) კორპუსი, ეკონომიკისა და ბიზნესის ფაკულტეტი, ოთახი 1008.

ცენტრის მიზნები და საქმიანობის ძირითადი მიმართულებები

I. თსუ ეკონომიკისა და ბიზნესის ფაკულტეტის სტუდენტური კვლევებისა და პროექტების ცენტრის მიზნებია:

1. თსუ-სა და სხვა უმაღლეს სასწავლებლებში სოციალურ-ეკონომიკური და ბიზნეს-სამენეჯმენტო პროფილის სტუდენტთა ცოდნისა და სამეცნიერო-კვლევითი საქმიანობის დონის ამაღლების ხელშეწყობა;
2. სწავლების სამივე საფეხურის (ბაკალავრიატი, მაგისტრატურა, დოქტორანტურა) სტუდენტების, პროფესორ-მასწავლებლების, მეცნიერების, სპეციალისტების, ბიზნესმენების, სახელმწიფო, ბიზნეს- და არასამთავრობო ორგანიზაციების, ზოგადსაგანმანათლებლო სკოლებისა და ყველა სხვა დაინტერესებული მხარის თანამშრომლობის ხელშეწყობა ეკონომიკის, ბიზნესისა და მენეჯმენტის აქტუალური საკითხების კვლევისა და სათანადო პროექტების შემუშავება-განხორციელების სფეროში;
3. ხელშეწყობა უნივერსიტეტის, კერძოდ კი ეკონომიკისა და ბიზნესის ფაკულტეტის განვითარება-პოპულარიზაციაში და მისი ფინანსური სახსრების ზრდაში ცენტრის საქმიანობის შედეგად მიღებული შემოსავლებიდან.

II. მიზნების განხორციელებისათვის ცენტრი საქმიანობას წარმართავს შემდეგი ძირითადი მიმართულებებით:

1. დაინტერესებულ მხარეებთან ერთობლივი ინტერდისციპლინური, მულტიდისციპლინური, სუბდისციპლინური და ინოვაციური კვლევების ჩატარება

სოციალურ-ეკონომიკური განვითარების, ბიზნესისა და სამეურნეო-მმართველობითი საქმიანობის სხვადასხვა სფეროში; სათანადო რეკომენდაციების, პროექტების, პროგრამების შემუშავება და მონაწილეობის მიღება მათ პრაქტიკულ განხორციელებაში;

2. საქართველოში პროექტების მართვის შესწავლით დაინტერესებული ახალგაზრდა სპეციალისტების მომზადების ხელშეწყობა;
3. სათანადო საინფორმაციო-საკონსულტაციო და სატრენინგო სისტემის შექმნა;
4. საგამომცემლო საქმიანობა: სამეცნიერო, სასწავლო, საინფორმაციო, საკონსულტაციო და სხვა სახის ლიტერატურის გამოცემა;
5. ქვეყნისა და საერთაშორისო მასშტაბით სტუდენტთა, მეცნიერთა და ბიზნესმენტთა დაახლოებისა და თანადგომის ხელშეწყობა, გაცვლით სამეცნიერო-სასწავლო პროგრამებში მონაწილეობა;
6. კონფერენციების, სიმპოზიუმების და სემინარების ჩატარება.

დღეისათვის ცენტრის პერსონალურ შემადგენლობაშია თსუ ეკონომიკისა და ბიზნესის ფაკულტეტის ბაკალავრიატის, მაგისტრატურისა და დოქტორანტურის 40-ზე მეტი სტუდენტი, რომელთაგან 12 სტუდენტი ცენტრის გამგეობის წევრია. ცენტრის წევრები აგრეთვე არიან საქართველოს საპატრიარქოს წმ. ანდრია პირველწოდებულის სახელობის ქართული უნივერსიტეტის, საქართველოს უნივერსიტეტის და ჩიკაგოს ლუისის სახელმწიფო უნივერსიტეტის (აშშ) სტუდენტები.

ცენტრთან არსებულ მრჩეველთა და მზრუნველთა საბჭოებში გაერთიანებული არიან ქართველი და უცხოელი საზოგადო მოღვაწეები, დიპლომატები, მეცნიერები, სპეციალისტები და ბიზნესმენები, რომლებიც დიდ დახმარებას უწევენ ცენტრს.

2016 წლის 1 ივნისიდან ცენტრმა ბინა დაიღო ახალ ოფისში (თსუ მაღლივი კორპუსი, ოთ. # 1008), სადაც კარგი პირობებია მუშაობისათვის. ასეთი გარემოება დიდ სტიმულს აძლევს ცენტრის წევრებს ნაყოფიერი საქმიანობის გასაწევად.

ცენტრის გრძელვადიანი გეგმის მიხედვით მიმდინარეობს სამეცნიერო-კვლევითი და სასწავლო-სატრენინგო სამუშაოები და შესაბამისი პროექტების/ღონისძიებების განხორციელება შემდეგი ძირითადი პროგრამების საფუძველზე:

1. „შეიმეცნე და ააღორძინე საქართველო“ - ხორციელდება ცენტრთან არსებული ეროვნული ეკონომიკის კვლევის ლაბორატორიაში;
2. „ისრაელის ეკონომიკა და ბიზნესი“ - ხორციელდება ცენტრთან არსებული ისრაელის ეკონომიკის კვლევის ლაბორატორიაში;
3. „აშშ-ის ეკონომიკა და ბიზნესი“ - ხორციელდება ცენტრთან არსებული ამერიკული ეკონომიკის კვლევის ლაბორატორიაში.

2000 წლიდან დღემდე ცენტრ „იდეა“-ს ინიციატივით/თანაინიციატივით, ორგანიზებით/თანაორგანიზებით და მონაწილეობით ჩატარებული კონფერენციები

- 1) I სამეცნიერო კონფერენცია „ქრისტიანობა და ეკონომიკა - თსუ-2005“ (თსუ მაღლივი კორპუსი, 2005 წლის 19 აპრილი);
- 2) II სამეცნიერო კონფერენცია „ქრისტიანობა და ეკონომიკა - ბოლნისი-2008“ (ბოლნისი, 2008 წლის 13 აპრილი);

- 3) III სამეცნიერო კონფერენცია „ქრისტიანობა და ეკონომიკა - თსუ-2008“ (თსუ მაღლივი კორპუსი, 2008 წლის 30 მაისი);
- 4) IV სამეცნიერო-პრაქტიკული კონფერენცია „ქრისტიანობა და ეკონომიკა - მესტია-2008“ (მესტია, 2008 წლის 25-30 ივლისი);
- 5) I სტუდენტური კონფერენცია - „სტუდენტური პროექტები“ (თსუ მაღლივი კორპუსი, 2009 წლის 5 ივნისი);
- 6) V სამეცნიერო კონფერენცია „ქრისტიანობა და ეკონომიკა - თსუ-2010“ (თსუ მაღლივი კორპუსი, 2010 წლის 25 იანვარი);
- 7) II სტუდენტური კონფერენცია - „სტუდენტური პროექტები“ (თსუ მაღლივი კორპუსი, 2010 წლის 1 ივნისი),
- 8) VII სამეცნიერო კონფერენცია „ქრისტიანობა და ეკონომიკა – გორი – 2013“ (გორი, 2013 წლის 30 ივლისი);
- 9) I საერთაშორისო სტუდენტური სამეცნიერო-პრაქტიკული კონფერენცია „საქართველო-ისრაელის ურთიერთობები: მწვანე ეკონომიკის მართვა“ (2014 წლის 14-17 ივლისი, მესტია);
- 10) VIII საერთაშორისო სამეცნიერო კონფერენცია „ქრისტიანობა და ეკონომიკა – ბათუმი – 2015“ (ბათუმი, 2015 წლის 5-6 სექტემბერი);
- 11) II საერთაშორისო სტუდენტური სამეცნიერო-პრაქტიკული კონფერენცია „საქართველო-ისრაელის ურთიერთობები: აგრობიზნესის ორგანიზაცია და მართვა“ (2015 წლის 20-21 სექტემბერი, სიღნაღი);
- 12) III საერთაშორისო სტუდენტური სამეცნიერო-პრაქტიკული კონფერენცია „საქართველო-ისრაელის ურთიერთობები: ტრადიციული და ახალი ტექნოლოგიების ორგანიზაცია და მართვა“ (2016 წლის 17-18 მაისი, თბილისი, თსუ, ISET);
- 13) IX საერთაშორისო სამეცნიერო კონფერენცია „ქრისტიანობა და ეკონომიკა – ქუთაისი – 2016“ (ქუთაისი, 2016 წლის 22-23 ოქტომბერი).

აღნიშნულ კონფერენციათა მნიშვნელოვანი ნაწილის შრომების (მოხსენებათა) კრებულები დაბეჭდილია (ISSN და ISBN კოდებით) სტამბური წესით თსუ-ისა და სხვა გამომცემლობების მიერ.

ცენტრ „იდეა“-ს თანამშრომლობა თსუ ამერიკისმცოდნეობის ინსტიტუტთან

2000 წლიდან მოყოლებული, ცენტრთან არსებული ამერიკული ეკონომიკის კვლევის პროგრამის ფარგლებში, ცენტრი „იდეა“ თანამშრომლობს თსუ ამერიკისმცოდნეობის ინსტიტუტთან.

ცენტრის წევრი სტუდენტები და დირექტორი გ. შიხაშვილი თავისი მოხსენებებით მონაწილეობენ ამერიკისმცოდნეობის ყოველწლიური საერთაშორისო კონფერენციების მუშაობაში, სადაც ცენტრის დირექტორი წლების განმავლობაში ხელმძღვანელობს ეკონომიკის სექციის მუშაობას.

მომავალში განზრახულია კვლევების გაფართოება ცენტრთან არსებული ამერიკული ეკონომიკის კვლევის ლაბორატორიის, თსუ ამერიკისმცოდნეობის ინსტიტუტის, ლოს-ანჯელესის სახელმწიფო უნივერსიტეტისა და საქართველოში აშშ-ის საელჩოს ერთობლივი ძალისხმევით.

ცენტრ „იდეა“-ს თანამშრომლობა ისრაელის საელჩოსთან საქართველოში და ისრაელის ფირმა „ნეტაფიმ-საქართველოსთან“

2013 წლიდან ცენტრი „იდეა“ მჭიდროდ თანამშრომლობს ისრაელის საელჩოსთან საქართველოში და ისრაელის ფირმა „ნეტაფიმ-საქართველოსთან“, რომლებიც ყოველმხრივ დახმარებას უწევენ ცენტრს. სწორედ ამ თანამშრომლობის ფარგლებში ჩატარდა ზემოაღნიშნული სამი საერთაშორისო სტუდენტური სამეცნიერო-პრაქტიკული კონფერენცია თემაზე: „საქართველო-ისრაელის ურთიერთობები“.

თანამშრომლობა ისრაელის ბენ-გურიონის უნივერსიტეტის პროფესორ რობერტ ალბინთან და კიევის გარემოსა და ეკონომიკური განვითარების უნივერსიტეტის პრორექტორთან, პროფესორ ოქსანა რიაზჩენკოსთან

2014 წლიდან მოყოლებული ცენტრი „იდეა“ მჭიდროდ თანამშრომლობს აღნიშნულ პროფესორებთან, რომლებიც არიან ცენტრის მრჩეველთა საბჭოს წევრები და აქტიურად მონაწილეობენ ცენტრის საქმიანობასა და კონფერენციებში.

ცენტრ „იდეა“-ს დირექტორის გიორგი შიხაშვილის მონაწილეობა სხვადასხვა ტრენინგებში, სემინარებსა და კონფერენციებში

გასულ პერიოდში ცენტრის დირექტორი გიორგი შიხაშვილი მონაწილეობდა არაერთ ტრენინგში, სემინარებსა და კონფერენციებში ტრენერის, მსმენელის, ორგანიზატორის, სექციის ხელმძღვანელის, ორგანიზაციის თავმჯდომარის/წევრის რანგში როგორც საქართველოში, ასევე უცხოეთში (თბილისი, ქუთაისი, ბათუმი, ბაკურიანი, კიევი, მინსკი).

ცენტრ „იდეა“-ს მიერ ჩატარებული ტრენინგები

ცენტრ „იდეა“-ს მთავარი პროგრამის ფარგლებში - „შეიმეცნე და ააღორძინე საქართველო“, სისტემატურად ატარებს ტრენინგებს და ლექცია-სემინარებს (დროის მართვა; პროექტების შედგენა; პროფესიული ორიენტაცია; გრანტის მოპოვება; კონფერენციების მოწყობა; საზაფხული სკოლების მოწყობა; სამეცნიერო კვლევის მეთოდიკა; ადგილობრივი მართვა; საკუთარი ბიზნესის დაწყება; ლიდერობა და გუნდის მართვა და სხვ.) როგორც ცენტრის წევრებისა და ფაკულტეტის სტუდენტებისათვის, ასევე თსუ-ს გარე სამიზნე ჯგუფებისათვის (თბილისი, მცხეთა, ყაზბეგი, გორი, მესტია).

ცენტრ „იდეა“-ს წევრების მონაწილეობა სხვადასხვა პროექტებში და ღონისძიებებში

გასულ პერიოდში ცენტრ „იდეა“-ს წევრები ცენტრის სახელით და ინდივიდუალურად მონაწილეობდნენ საქართველოში და უცხოეთში გამართულ არაერთ კონფერენციაში, ტრენინგებში, გაცვლით და საგრანტო პროგრამებში, პროექტებში და სხვა ღონისძიებებში, სადაც მოიპოვეს შესაბამისი ჯილდოები და სერტიფიკატები.

სტუდენტური სასწავლო-შემეცნებითი სემესტრული გუნდური პროექტების პრეზენტაცია ცენტრ „იდეა“-ს ოფისში

2000 წლიდან მოყოლებული ცენტრში სისტემატურად ეწყობა სტუდენტური სემესტრული გუნდური სასწავლო-შემეცნებითი პროექტების პრეზენტაცია.

ასეთი პროექტების შედგენა-პრეზენტაციას ყოველსემესტრული ხასიათი აქვს და ცენტრის დირექტორის გ. შიხაშვილის სასწავლო გეგმისა და მეთოდის ერთ-ერთი შემადგენელი ნაწილია. პროექტების პრეზენტაციის შეფასება ხდება ცენტრის ხელმძღვანელისა და ცენტრის მენეჯერებით შედგენილი კომისიის მიერ.


**ცენტრ „იდეა“-ს მონაწილეობა მთარგმნელობით პროექტში - S. Robbins,
M. Coulter. Management. USA, Pearson, 2014.**

2014-2016 წლებში ცენტრ „იდეა“-ს დირექტორი გ. შიხაშვილი და დირექტორის მოადგილე თ. თაქთაქიშვილი უძღვებოდნენ სარედაქციო-საორგანიზაციო და მთარგმნელობით მუშაობას, რომელიც ხორციელდებოდა მენეჯმენტისა და ადმინისტრირების კათედრის მიერ ინგლისურენოვანი სახელმძღვანელოს (S. Robbins, M. Coulter. Management. USA, Pearson, 2014) თარგმნისა და თსუ-ში გამოსაცემისათვის.

მთლიანობაში, თსუ ეკონომიკისა და ბიზნესის ფაკულტეტის სტუდენტური კვლევებისა და პროექტების ცენტრი „იდეა“ 2000 წლიდან დღემდე ნაყოფიერად მუშაობს, რაც სისტემატურად შუქდება საინფორმაციო წყაროებში.

ცენტრს შემუშავებული აქვს საინტერესო სამომავლო გეგმები, რომელთა განხორციელებისათვის ცენტრის წევრები ძალ-ღონეს არ დაიშურებენ.

გიორგი შიხაშვილი



სტუდენტური კვლევებისა და პროექტების
ცენტრ „იდეა“-ს დირექტორი,
მენეჯმენტისა და ადმინისტრირების კათედრის
ასოცირებული პროფესორი

1 მარტი, 2017 წელი













ივანე ჯავახიშვილის სახელობის თბილისის სახელმწიფო უნივერსიტეტი
ეკონომიკისა და ბიზნესის ფაკულტეტი

სტუდენტური კვლევებისა და პროექტების ცენტრი „იდეა“

ტ რ ე ნ ი ნ გ ი

პროექტების მართვა არასამთავრობო სექტორისათვის
თსუ, 23, 30 მარტი, 2015

*Ivane Javakhishvili Tbilisi State University
Faculty of Economics and Business*

Student Research and Project Center "IDEA"

T r a i n i n g

Composing Projects For Non-Governmental Sector

TSU, 23, 30 March, 2015

ს ე რ ტ ი ფ ი კ ა ტ ი

C E R T I F I C A T E

გადაეცა ტრენინგის მონაწილეს

Awarded to the Participant of the Training

თეიმურაზ ბერიძე
ეკონომიკისა და ბიზნესის ფაკულტეტის დეკანი,
პროფესორი

*Teimuraz Beridze
Dean of the Faculty of Economics and Business,
Professor*

გიორგი შიხაშვილი
ცენტრ „იდეა“-ს დირექტორი,
პროფესორი

*Giorgi Shikhashvili
Director of the Center "IDEA",
Professor*